


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-29	Al-' Ankabut	69	7	Makkiyyah	Ke-85	8



Zaman Diturunkan

1. Surah al-`Ankabut diturunkan selepas Surah Luqman sebelum berlaku hijrah ke Habsyah pada bulan Rejab tahun ke-5 Kenabian, ia diturunkan pada permulaan tahun ke-5 Kenabian ketika mana orang-orang Islam menjadi mangsa kezaliman dan kekejaman orang-orang musyrikin Mekah yang tidak percayakan hari kemudian. Orang-orang Islam diuji dengan hijrah dan berbagai-bagai ujian yang lain.
2. Melalui firman Allah إِنَّ أَرْضِيَّ وَاسِعَةٌ diperintahkan berhijrah ke Habsyah (Ayat: 56).
3. Orang-orang Islam yang lemah dan orang-orang munafiqin di Mekah yang teragak-agak untuk berhijrah ke Habsyah diberi peringatan (Ayat: 10-11).

Perkaitan Surah al-`Ankabut Dengan Surah Sebelum Dan Selepasnya

1. Di dalam Surah al-Qashash sebelum ini telah disebutkan kisah Bani Israil yang dizalimi oleh kerajaan tentera Fir'aun, di dalam Surah al-`Ankabut ini disebutkan kisah orang-orang yang baru memeluk Islam yang dizalimi di Mekah, mereka diuji dan terpaksa berhijrah.
2. Di dalam surah ini diberikan satu perbandingan yang sangat cantik iaitu sarang labah-labah untuk membuktikan tauhid walaayah (kekuasaan).
3. Di dalam Surah ar-Rum akan datang dikemukakan pula dalil-dalil yang membuktikan adanya hari akhirat dan hari kiamat.

Beberapa Kata Kunci Dan Tema Utama Surah

1. Melalui perkataan يُفْتَنُونَ, orang-orang Islam didedahkan dengan beberapa prinsip ujian.

- (a) Orang-orang Islam dididik dengan hakikat bahawa selepas seseorang menerima tauhid, dia akan diuji dengan berbagai ujian (Ayat: 2).

أَحْسِبَ النَّاسُ أَنْ يُتْرَكُوا أَنْ يَقُولُوا ءَامَنَّا وَهُمْ لَا يُفْتَنُونَ ﴿٢﴾

- (b) Sejarah seruan ke arah tauhid penuh dengan bermacam-macam ujian (Ayat: ٣).

وَلَقَدْ فَتَنَّا الَّذِينَ مِنْ قَبْلِهِمْ

- (c) Tujuan ujian ialah untuk menapis dan memilih orang-orang Islam yang tulen Islamnya (Ayat: 3).

فَلْيَعْلَمَنَّ اللَّهُ الَّذِينَ صَدَقُوا وَلْيَعْلَمَنَّ الْكَاذِبِينَ ﴿٣﴾

2. Tema pertemuan dengan tuhan (لقاء الله) tiga kali terdapat di dalam surah ini.

- (a) Orang-orang yang percaya akan pertemuannya dengan Allah diyakinkan bahawa tempoh yang ditentukan Allah pasti akan datang (Ayat: 5).

مَنْ كَانَ يَرْجُوا لِقَاءَ اللَّهِ فَإِنَّ أَجَلَ اللَّهِ لَآتٍ

(b) Orang-orang yang tidak percaya akan bertemu dengan tuhan dan tidak percaya juga kepada ayat-ayat Allah diberikan berita buruk akan mendapat azab yang pedih (Ayat: 23).

وَالَّذِينَ كَفَرُوا بِآيَاتِ اللَّهِ وَلِقَائِهِ أُولَٰئِكَ يَئِسُوا مِن رَّحْمَتِي وَأُولَٰئِكَ لَهُمْ عَذَابٌ أَلِيمٌ ﴿٢٣﴾

(c) Nabi Syu'aib telah menyeru kaumnya supaya beriman kepada ajaran tauhid dan hari akhirat, beliau juga melarang mereka daripada melakukan kerosakan di muka bumi (Ayat: 36).

وَإِلَىٰ مَدْيَنَ أَخَاهُمْ شُعَيْبًا فَقَالَ يَقَوْمِ اعْبُدُوا اللَّهَ وَارْجُوا الْيَوْمَ الْآخِرَ وَلَا تَعْتَوْا فِي الْأَرْضِ مُفْسِدِينَ ﴿٣٦﴾

3. Mujahadah atau usaha gigih untuk agama disebutkan dua kali di dalam surah ini.

(a) Pertamanya dikatakan mujahadah itu berguna untuk orang yang melakukannya sendiri (Ayat: 6).

وَمَن جَاهَد فَإِنَّمَا يُجَاهِدُ لِنَفْسِهِ

(b) Orang-orang yang bermujahadah di jalan Allah akan Allah buka untuknya jalan-jalan menghadapi cabaran hidup (Ayat: 69).

وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا

4. Di dalam Surah al-`Ankabut, hijrah disebut dua kali.

(a) Nabi Ibrahim hanya diimani oleh anak saudaranya Nabi Luth, dan Nabi Luth telah pun mengisytiharkan untuk berhijrah kepada Allah (Ayat: 26).

فَتَمَنَّاهُ لَهُ لَوْ طَوَّعَ لِي أَنِّي مُهَاجِرٌ إِلَىٰ رَبِّي

(b) Hamba-hamba Allah yang beriman diperintahkan bahawa jika kamu berasa bumi ini sempit, tidaklah perlu dirisaukan kerana bumiKu luas, kamu boleh pergi ke negeri mana pun tetapi hendaklah kamu terus beribadat dan taat kepadaKu (Ayat: 56).

يَعِبَادِي الَّذِينَ ءَامَنُوا إِنَّ أَرْضِي وَاسِعَةٌ فَإِنِّي فَاعْبُدُونِ ﴿٥٦﴾

5. Perkataan سَبِيل tersebut dua kali di dalam surah ini.

(a) Jalan ketua-ketua orang kafir. Ketua-ketua orang-orang kafir berkata kepada orang-orang Islam: "Kamu ikutlah jalan kami, kami akan memikul dosa kamu" (Ayat: 12).

وَقَالَ الَّذِينَ كَفَرُوا لِلَّذِينَ ءَامَنُوا اتَّبِعُوا سَبِيلَنَا وَلْنَحْمِلَ خَطَايَكُمْ وَمَا هُم بِحَامِلِينَ مِن خَطَايَاهُمْ مِن شَيْءٍ إِنَّهُمْ لَكَذِبُونَ ﴿١٢﴾

(b) Jalan Allah. Allah telah menghiburkan hati orang-orang Islam yang berbuat baik bahawa: "Aku bersama kamu, kamu sedang memilih jalanKu, Aku akan terus memimpin kamu yang memilih jalan-jalanKu" (Ayat: ٦٩).

وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ الْمُحْسِنِينَ ﴿٣٧﴾

6. Beberapa hukum dan bimbingan.

Para sahabat yang baru memeluk Islam dididik supaya bersikap baik dengan kedua ibu bapanya yang kafir, tetapi kalau mereka memaksa melakukan syirik maka jangan sekali-kali mereka ditaati (Ayat: 8).

وَوَصَّيْنَا الْإِنْسَانَ بِوَالِدَيْهِ حُسْنًا وَإِنْ جَاهَدَاكَ لِتُشْرِكَ بِي مَا لَيْسَ لَكَ بِهِ عِلْمٌ فَلَا تُطِعْهُمَا

7. Rasulullah s.a.w. diperintahkan supaya menyampaikan wahyu kepada orang ramai dan mendirikan sembahyang.

Dua perkara berhubung dengan sembahyang diberitahu (Ayat: 45).

أَتْلُ مَا أُوحِيَ إِلَيْكَ مِنَ الْكِتَابِ وَأَقِمِ الصَّلَاةَ تَتَذَكَّرُ الْفَحْشَاءَ وَالْمُنْكَرَ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٤٥﴾

(a) Sembahyang mencegah orang-orang yang mengerjakannya daripada perkara yang keji dan mungkar.

(b) Roh sembahyang ialah zikir, yakni ingatkan Allah dan ia adalah perkara yang terpenting أَكْبَرُ.

8. Orang-orang Islam yang akan berhijrah ke Habsyah dididik supaya menyampaikan seruan Islam dengan sebaik-baiknya kepada Ahli Kitab di bumi Habsyah.

Kamu tentu sekali akan dapat berbincang dengan mereka soal aqidah tauhid, perbincangan kamu dengan mereka hendaklah dilakukan dengan cara yang terbaik (Ayat: 46).

وَلَا تُجَادِلُوا أَهْلَ الْكِتَابِ إِلَّا بِالَّتِي هِيَ أَحْسَنُ